



Crescher el mund da medias

Cars geniturs

Il mintgadi d'affons pigns ei variants. Termagliar, cuorer entuorn, perscrutar la natira, handergiar el tenercasa, raquintar e paterlar, mirar cudischs, tedlar CDs, dar giugs cul natel e mirar televisiun: tut quei s'auda tier lur experientschas quotidianas.

Perquei che Vies affon vegn confruntaus gia baul cun medias da tuttas sorts, drova el Vies sustegn. In diever da medias raschuneivel vegn a gidar el d'esser prompts per las pretensiuns da scoletta e scola.

Vus saveis far il suandont:

Ensemen enstagl sulets

Vies affons empren il pli bia dil diever da medias, sche Vus accumpigneis el aschi bia sco pusseivel.

- Duront mirar cudischs sa el raquintar a Vus tgei ch'el vesa.
- Duront tedlar CDs sa el cantar cun canzuns ni raquintar aunc ina ga a Vus legras passaschas.
- Duront mirar films sa el star datier a Vus, buca mo cu el ha tema.
- Duront dar giugs cun apps ni vid il computer sa el mussar a Vus tgei che fa plascher ad el.

Reglar il consum da medias

Consumar medias uras alla liunga cunterdi al basegns d'in affon pign da semuentar e da tgirar contacts socials. Per sviluppar la cumpetenza da medias eis ei decisiv che Vies affon astga emprender d'enconuscher siu ambient cun tut ils senns. Perquei eis ei impurtont che Vus limiteis il consum da medias.

Eleger cun quitau

La purschida da medias ei immensa. Ei vala la peina da mirar exactamein e d'elegier quei che corrispunda alla vegliadetgna ed als interess da Vies affon. Qualitad va avon quantitad.

Empruar ora activamein las medias

Far sez fotografias, films, registraziuns dil tun – quei corrispunda allas marveglias e queidas da perscrutar da Vies affon. El empren co las differentas medias funcziuneschan ed el percorscha co la realitad e la presentaziun mediala sedifferenzieschan.

Ils geniturs ein exempels

Vus essas in exempel per Vies affon. Vies affon observa Vus. El vesa con stedi che Vus duvreis tgei medias – gasettas, cudischs, computer, tablet – e vul imitar Vus.

